

lamina multo brevioribus; carpellis hirsutis. — *G. nutans* Lam. *Encycl.* I p. 399. *Suppl.* I p. 617. — Species habitu *G. rivalis*. Flores nutantes, lutei. A *G. intermedio* differt petalis calyce multo longioribus et carpellorum capitulo longe stipitato, a *G. rivali* petalorum forma et magnitudine (respectu calycis). — Patria ignota.

XIII. GEUM RIVALE LINN. *G.* caule parce ramoso; petalis calycem subaequantibus, subito angustatis in unguem lamina abbreviata plerumque longiorem; carpellis hirsutis. — *G. rivale* Linn. *Sp. pl.* (ed. II.) I p. 717. — *Hayne Arzneyg.* IV. tab. 34. (excl. figur. asterisco notatis). *G. hybridum* Jacq. *Ic. pl. rar.* t. 94. (monstrositas sepalis in folia mutatis). — Flores nutantes aureo-fulvi (rarissime lutei, vel albi ex Kochio). — Ab omnibus speciebus hujus generis differt petalis subito angustatis in unguem lamina plerumque longiorem. — Hab. in Europa, in Asia et America septentrionali. —

950. **HOLOSTEUM LINIFLORUM STEV.** *H.* glaucescens, glanduloso-pilosum; foliis caulinis basi subconnatis, subfloralibus minutis vix scarioso-marginatis; floribus decandris; sepalis ovatis glanduloso-pilosis; petalis obovato-subrotundis calyce paulo longioribus. — *Arenaria glutinosa* M. *B. fl. taur. cauc.* I p. 344. — Affine *H. umbellato*, a quo facile dignoscitur floribus semper decandris, sepalis glanduloso-pilosis, petalis latioribus, capsulis seminibusque majoribus. Ab *Arenaria umbellato* Sibth. diversissimum. — Hab. in Tauria et ad mare Caspium. ☉

1089. **LEPIDIUM RUDERALE L.** Huic subjungendum esse *L. ibericum* Schrad., nos docuit inspectio speciminum eorum e seminibus ab auctore missis; haec specimina nullis characteribus essentialibus a *L. ruderale* differunt.

1111. **LIBANOTIS ATHAMANTOIDES DC.** Hue pertinet *Athamanta caucasica* H. Paris., quae nullo characterē a *L. athamantoides* differt.